



Aqqalu C.Jerimiassen  
Atassut

UKA 2023/137-153-154  
19. oktober 2023

**Nuummi innuttaasunut immikkut nakorsiartarfeqalerneratigut nakorsiarsinnaaneq oqinnerulersinnaassanersoq pillugu apeqquteqaat aallaavigalugu oqallisissiasatut siunnersuut.**

(Atassutip Inatsisartuni ilaasortaatitai)

**Qanoq iliornikkut nakorsat namminersortut nakorsiartarfiutitaarnissaminnut aallartisarsinnaalernissaat aqqtissiuunneqarsinnaanersoq pillugu apeqquteqaat aallaavigalugu oqallisissiasatut siunnersuut.**

(Atassutip Inatsisartuni ilaasortaatitai)

**Peqqinnissaq pillugu sillimmasersinnaanerup atuutilersinneqarneratigut peqqinnissaqarfitsinnut oqilisaataasinnaanersoq pillugu apeqquteqaat aallaavigalugu oqallisissiasatut siunnersuut.**

(Atassutip Inatsisartuni Ilaasortaatitai)

Peqqinnissaqarfippit eqqartorneqalersillugu, tamatta qinigaasugut siulliunniutiinnaq pizarunnarsivugut aaqqiissutissanik nillianeqqisaalluta, nalugunangilarpulli naggataani oqaaserineqartut amerlanerpaartai ajoraluartumik tusarnersaarnepassuinnartartut.

Ajoraluartumillu isertuussassaavallaarneq ajorportaaq, inoqarfiit annerit samminialersillugit inoqarfinnut minnernut nallinnartunnguannorsaalluni oqarluartaartuutut sangusitsiniaalersneri.

Piviusorli qimarratiginiartariaqanngilaq qujageqqusaarutigisariaqaranilu, uanilu siunnersuummi siullermi saqqummiunneqartumi, tassalu nuup namminermik nakorsiartarfeqarsinnaasariaqarnera sinerissap sinnera assigalugu uparuagassaangilluinnarpoq.

Illoqarfimmi inuttusiartormigut sinerissap sinneranut sanillutissagaanni assersuunneqarsinnaangilluinnarpoq, sulilu taamaaginnarallarnissaa ilimanarluinnarluni ukiuni aggersuni. Nussornermi taamak annertutigisoq ingerlaannariarpat, takorluuinnarsinnaavarput sinerissap sinneranit Nuuk kisimiilluni inuttuneruleratarsinnaasoq. DIH nunatta sinneranit annertuumik naatsorsuutaavoq, taamaattorli aammattaaq Nuummiunit naatsorsuutaavoq, nakorsiarniarnerli ima ajornartigilersimasoq allaat tusartalersimavarput, inniminniiniaraluarluni ullorpassuarni utaqqisitsisarnermik kinguneqarsinnaasartoq.

Nunaqqatigut Nuummi najugaqartuusut sinerissap sinneranit inoqatitsinnit allaanerungillat, peqqiilliortillutik nakorsiarsinnaanermikkut pitsaasunik atugassaqartinneqarnissaat suleqataaffigisinnaasariaqarparput.



Tamassumunngali aaqqiisinnaanissamut piumassuseq tamarmiunngippat, Atassummiit kissaatigeqaarput, nakorsiartarfinnik namminersortunik peqalersinnaanissaata aqutissiuunneqarnissaa.

Nunatsinnimi nakorsiarniarnikkut namminneerlutik akiliisinnaassuseqartuusut nakorsiartarfinnut namminersortuusunut nakorsiartalerisigut, uagut peqqinnissaqarfitsinni utaqquisuusunut allattorsimaffiup naalisiallanneqarsinnaalernissaanut aqutissaalluarsinnaammat.

Ilami piffissami sivilsoorsuarmi utaqquartarnerit maanna atuuttut aporfigiunnaarlugit, namminersortutullu aqutissat inatsisitigut aqqiiffigigaanni, suliffeqarfeqarnikkut namminersortunngorsaanerullu siuariarneratut isigineqarsinnaammat, tassani ajorsartussaqaangiivittoq taaneqarsinnaavoq.

Ilumullimi kaasarfippat imaartuittuuppat sorpassuarnik sukkanerpaamik aqqiissutissanik tikkuussiallaannarluta inuit atugaat pitsanngorsaavigipiluussagaluarpagut. Pissusiviusulli taamaaqqajangillat, ukiulli tamarluinnaasa aningaasat amerlagisassaangitsut isumaqatiginninniarnermi uitsatigiuartarpagut noqqoruullugit, imatupajaaq taasinnaallugu; kinamigooq pinnanepq.

Nakorsiartarfiit namminersortut nunarsuaq tamakkerlugu aggerfeqartunik nakorsaartuusut pilernerisigut, nammineerluta peqqinnissaqarfippat aqutissanik oqinnerungaartunik peqalersinnaavoq. Tassami nakorsamit allagartamik pissarsereermermi, peqqinnissaqarfitsinnit nakorsaatinik tunniussinissaq tassatuaalersinnaammat suliassaalersussaq.

Pisunullu pigasuartunut, arlaatigut inuunermermi ulorianartorsiuutaasinnaasunut, sukkanerpaaq atorlugu nakorsiartariaqartussaanermermi, namminersortut pisortat nakorsiartarfiannut innersuunneqapallassinnaanissaq inuup inuuneranik annaassisinnaanermik kinguneqarsinnaappat, tassa aatsaallimi tamanut ajugaaneq annerpaaq.

Namminersortut nakorsiartarfiit pilernerisigut, malitsigisaanik peqqissutsikkut sillimmasiisarnermi periuseq nunatsinnut eqqunneqarsinnaasuuppat, aatsaallimi suli immitsinnut oqilisaannissarput qaninnerulissagaluuaq.

Kisiannili sooq maanna apeqquteqaat aallavigalugu oqallisissiat pingasusut taamatut qaqippagut? Ilisimaarilluaratsigumi, Atassummi siunnersuuteqartarnigut aaliangiiffissatut inissisimasusut ajoraluartumik kiviinnakkajuttartut, kingornatigullu partiinit annernit erfalasimaarutiginiarlugit siunnersuutigineqakkajuttarlutik allannguallaannarlugit.

UPA2019-imi nakorsiartarfiit namminersortut pilersinnaanissaannut siunnersuut imm.131, taamatuttaarlu imm.161 nunatsinni sygesikringskort atuutilissappat pitsaaqutaasinnaasut pillugit apeqquteqaat aallaavigalugu oqallisissiatut qaqereernikuusimagaluarpagut.

Kinguneqarsimanngeqaalli ajoraluartumik, pisarnerpulli malillugu Atassummiit peqqinnissaqarfippat inuiaqatigiinnilu toqqissisimanartumik nakorsiarsinnaanissaq pillugu sukataaruteqartuarnerput nangeqqillugu apeqquteqaat pingasut imartoqisut ingerlappagut. Ataguli nerietta naalakkersuisuusut maanna tamakkununga oqaatsinut tusarnaarlumarumaartut iliuuseqarlutillu.

Oqallisissianut qujanaq.